



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm XIII. Sciscitatus.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

nem interpositam, si quæ attentata sunt, in statum pristinum reuocari debent, c. super questionum 27. in fine, iun. Gl. in not. vlt. de offic. deleg. Item, si appellans appellatio nem suam intra terminum à iure vel iudice definitum non prosequatur, condemnandus est ad expensas aduersario præstandas, si quas prosequendo appellationem fecit, c. reprehensibilis 26. c. Nicolao 64. de appellat.

### CAPITVLVM XIII.

#### Sciscitatus.

##### PARAPHRASIS.

Quidam misit Cælestino III. petitiorum, id est scriptum continens dubitationem ac petitionem. Si Sedes Apostolica duobus vel pluribus iudicibus causam delegatur, adiecta clausula *si unus mandarum ex equi non possit*, vt alter vel reliqui sine illo exequantur, vtrum id de impotentia tam iurius quam facti intelligi debeat. Respondet Pontifex de utrâque accipiendo esse: iurius impotentia v.g. est, si delegatus sit seruus, vel infamis, vel excommunicatus, vel iudiciorum omnino imperitus: facti impotentia est, si morte præuentus fuerit, aut graui morbo, aliisque necessitate impeditus, quod minus causam cognoscere queat. Adiicit vero Cælestinus, quod impeditus causam susciperre, debeat impedimentum Collegis significare, quia ad legitimam excusationem non sufficit nolle causam luscipere, cum possit, nisi rescriptum alternatiuam contineat, si qui non potuerint, aut noluerint, alii in causa procedant.

##### S'V M M A R I V M.

1. *Impossible non tantum censetur, quod naturaliter vel omnino non, aut difficultè fieri potest, sed etiam, quod honestè & secundum mores fieri nequit.*
  2. *Quædam persona à natura iudices esse prohibentur, ut furioses, infans: qua-*
- dam à lege, aut recepta consuetudine, ut seruus, infamis, excommunicatus &c.
3. *Impedimentum post falbam delegatum Iudici superueniens impedit eum à munere cognoscendi & iudicandi.*
  4. *Impedimentum Iudicis (ordinarii & delegati) si naturale est, sed publicè & probabiliter ignorat iurita est eius sententia & processus; non item, si impedimentum ex iure posteriori est.*
  5. *Impedimentum iuris publicè notum Iudicis processum & sententiam inuadit, et si partes nihil contra iudicem excipiunt.*
  6. *Valeat sententia iudicis excommunicati non vitandi, si contra eum non excipiatur.*

**N**O T A N D V M I. Duplex est impotentia, sive duobus modis impossibile aliquid dicitur, videlicet *de iure*, & *de facto*, c. vlt. de paclis. Nam secundum communem loquendi & sentiendi modum, utroque etiam iure confirmatum, non tantum id impossibile censetur, quod naturaliter vel omnino non, aut difficillime fieri potest, sed etiam quod honestè & secundum mores fieri nequit, l. si stipulor. 35. ff. de verbis obligat. l. filius qui 15. ff. de condit. institut. vbi Papinianus I.C. ait: *Quæ facta ledunt pietatem &c. & generaliter quæ contra bonos mores sunt, nec facere nos posse credendum est.* Atq; ideo horum omnium impossibilium, si aliqui mandentur, nulla est obligatio, regul. 6. in 6.

**N**O T A N D V M II. Quædam personæ à natura iudices esse prohibentur, ut furiosus, infans: *Quædam autem à lege, aut recepta consuetudine, ut seruus, infamis, excommunicatus, &c.* Videri potest Paulus I.C. in l. cùm prætor 12. ff. de iudicij, quem fecerunt est Gratianus in c. i. causa 3. q. 7.

**N**O T A N D V M III. Clausula inserta rescripto iustitiae, *Si non omnes interesse potestis &c.* eum qui non vult interesse, cum possit, ab inobedientia non releuat: Interim verðaliorum iurisdictionem, etiam sine ipso, confirmat, c. prudentiam 21. §. Adiicimus, de offic. delegati.

L 3 QVA-

**QVÆSTIO PRIMA.** Si impedimentum tempore facta delegationis non fuit in Iudice, sed postea superueniat, num eum impedit à munere cognoscendi & iudicandi? Responsio debet esse affirmativa cum Gl. h̄c ver. infamem. Abb. n. 7 Decio n. 7. Idq; verum est, siue impedimentum naturale superueniat, vt furor, amentia, siue legitimū, vt si seruus efficiatur, aut iuris infamiam contrahat, quippe quæ ipso facto publici muneris priuationem inducit, l. 2. §. si miles ff. Quibus ex causis infamia contrahitur. Sed alia ratio est de infamia facti, vt si quis in periculum incidat, aut homicidium committat. Tametsi enim testis ita criminosus saltem per partis exceptionem repellit posse, c. testimonium 54. de testibus; non tamen Iudex repellit potest; praterquam si ex criminis specialiter parti suspectus, idque recubilis sit. Ratio discriminis inter Iudicem & testem afferri debet; partim quia contra iudicem, si male iudicasse videatur, appellationis remedium competit, yt h̄c Imola notauit n. 19. Abb. n. 8. Partim, quia iudicis officium publicum est; & ideo non tam facilē recubari potest, vt h̄c Decius monuit n. 7. Idque maximè locum habet, si causa Iudici ordinario commissa sit, cùm enim in aliis causis toleretur, cur non in ista? Ceterum, si impedimentum Iudici delegato superueniens, postea celset, vt si amentia morbus, in quem post factam commissionem incidit, tollatur; vel infamis pristinæ famæ ac potestati restitutatur, recuperat iurisdictionem in causa ipsi delegata. Nam impedimentum temporale magis suspendit iurisdictionem, quam tollit, teste Anton. h̄c n. 23. Abb. n. 10. Dec. n. 8.

**QVÆSTIO SECUNDA.** Si impedimentum iudicis, seu is ordinarius sit, seu delegatus, ignorabatur, & post latam ab ipso sententiam innotescat, num ea retractari, vel irrita censeri debeat? Resp. & Dico I. Si impedimentū iudicādi, quamvis publicè ignoratum, naturale est, v.g. amentia morbus, aut surditatis, ita vt causam Iudex non intellexerit, irrita est eius sententia, ac processus.

Dico II. Si impedimentum ex iure posi-

tiuo est, sed publicè ac probabiliter ignoratum, yaler sententia & processus; neque detecto postea errore, retractari debet, iuxta l. Barbarius, ff. de officiis Prætor. Exempli causa: Si iudex ordinarius vel delegatus à legitimo magistratu constitutus publicè in aliquo loco habeatur pro ecclesiæ membro, cùm sit excommunicatus non toleratus; vel pro libero homine, cùm sit seruus, seu mancipium; vel pro masculo, cùm sit foemina, acta eius valent: Quare dicunt DD. quod in hoc casu error communis ius tribuit. Dixi de hac re copiosè lib. I. Th. mor. tr. 4. cap. 22. n. 9.

Dico III. Si impedimentum iuris publicè notum sit, tametsi partes nihil contra Iudicem excipiunt, siue quia id ignorant, siue quia remittere volunt, non valet processus & sententia iudicialis. Ita Imola hic n. 22. Abb. n. 12. Decius n. 7. Cùm enim aliquis iure ipso inhabilis est, partes non possunt eum habilem reddere: siue, vt aliter dicam, si defectus non penderet à voluntate partis, eius taciturnitas nihil operatur, secundum Gl. in l. 1. ver. inchoata, C. vbi de crimi agi oportet.

Addit Decius cit. loco, tametsi iuris impedimentum v.g. seruitus, aut infamia, publicè ignoretur, posse tamen partem illud detegendo, excipere contra iudicem, tam ordinarium, quam delegatum: ita, vt si nihil minus procedere velit, aduersus ipsum appellari possit,

Sed & alius casus est, in quo sententia Iudicis ordinarij aut delegati valet, si contra eum non excipiatur, secūs, si ante latam sententiam excipiatur: Videlicet si is in excommunicatione existat, non vitandus. Nam in Concilio Constantiens, extrau. Ad uitanda, licentia data fuit fidelibus communicandi cum excommunicatis, si denuntiati non sint, nec notorij clericorum percussores, ita tamen, vt per hoc ipsis excommunicatis, nullus fauor factus fuerit; esset autem non parvus eorum fauor, seu commodum, si fideles contra iudicem excipere non possent, sicuti iure antiquo poterant, c. exceptionem 12. de except, Videri possunt quæ docui lib. I. Theol.

Theol. moral. tract. 5. p. 2. c. 2. effectu 8. &  
cap. 4. n. 4.

## CAPITVLVM XIV.

## Pastoralis.

## PARAPHRASIS.

Si duo rescripta super eadem causâ ad diuersos iudices à Sede Apostolica peruerterint, & dubitetur, an prius per posterius reuocetur; tum si vna pars iudicium delegatorum alteri deferre velit, ut cognoscatur, ad quos iurisdictio pertineat, illi soli, quibus defertur hoc dubium, dirimant, antequam de causa principali cognoscatur. Quod si neutra pars iudicium alteri deferre velit, tunc simul utriusque, inscriptis rescriptis eorumque datis, definiunt, utri parti potius iurisdictio competere debeat. Quod si inter se non consentiant, hoc casu (tametsi plures sint iudices ex vna parte delegati, quam ex altera parte) communi partium litigantium consensu arbitri eligendi sunt, qui controuersiam hanc definiant, videlicet ad priorēne, an ad posteriores iudices cognitio pertineat.

## SUMMARIUM.

1. Index ordinarius & delegatus cognoscere potest, utrum sua sit iurisdictio; & quidem si delegatus sit unus, solus cognoscet; sin plures, & non concordent, ad arbitrios recurrentem est.
2. Si iudex bona fide & probabiliter prouinciet, se competentem esse, & ab hac sententia interlocutoria non appelletur, processus & sententia in causa principali valebit; licet postea innocentiat, ab initio vere competentem non fuisse.
3. Secus tamen est, si iudicis iurisdictio fundata non sit; non enim in causa principali procedere potest iudex, nisi certus sit de iurisdictione sua.
4. Ex duplice titulo potest iudicis iuris-

dictio non esse fundata: primò, si nullitas sit ex parte rescripti, seu commissio praenta. Secundo, si commissio sit à Superiore in causa ad iurisdictionem ac potestatem eius non pertinente.

5. Error, quantumvis probabilis, iurisdictionem conferre non potest, si commissio non facta est ab habente potestatem.
6. Iudicis procedere volenti obiectus defensus incompetencia, si sit talis, quem lex aut Superior, cui index ille est subiectus, supplere non possit, facit, ut in dubio nequeat de hac exceptione cognoscere, & indicare.
7. Secundum est, si defectus sit, qui suppleri à lege, aut predicto Superiore queat.
8. Si inter iudices per diuersa rescripta super eodem negotio delegatos controversia orta componi non possit, utra pars cognoscere debeat, nec pars vna alteri deferre velit; per arbitrios ab utraque parte electos causa decidenda erit.
9. Si causa communi consensu diuarum diuersarum parvium (collegiorum seu corporum) decidenda sit, debet utrobiusque maior pars consentire.

**N**O T A N D V M I. Non tantum Index ordinarius, exorto dubio, num ad ipsum pertineat iudicare, cognoscere potest, num sua sit iurisdictio, sed si quis ex aliena, s. ff. de Iudicij, l. 2. ff. si quis in ius vocatus &c. sed etiam delegatus. Ita sumitur ex hoc c. & notat Abb. n. 1. Felin. in c. super literis c. 18. 23. & seqq.

Sunt autem aliquæ adhibenda declaratio[n]es: Prima est, Si vnicus iudex delegatus sit, ipse solus orto dubio cognoscet: Sin autem plures, seu vno, seu diuersis rescriptis, delegati sint, conuenire simul debent, ac dubium discutere: sin autem consentire non possint, arbitrios eligere, sicuti iterum dicam in 2. not.

Altera declaratio. Si iudex, ordinarius aut delegatus, orto dubio de iurisdictione sua in certa causa, bona fide ac probabilitate